



TOSHKENT DAVLAT YURIDIK UNIVERSITETI REKTORINING B U Y R U G ' I

2020-yil « 13 » noyabr

08-219-son

**Тошкент шаҳар Юнусобод ва Мирзо Улуғбек туманларидаги
давлат умумтаълим муассасаларида ҳуқуқшуносликка оид фанлардан
дарс машғулотларини олиб борадиган педагог ходимлар учун
намунавий малака ошириш курсларини
ташкил этиш тўғрисида**

Ўзбекистон Республикаси Президенти Ш.М.Мирзиёев раҳбарлигида 2020 йил 30 октябрь куни мамлакатимизда таълим-тарбия тизимини такомиллаштириш, илм-фан соҳаси ривожини жадаллаштириш масалаларига бағишланган кенгайтирилган тарзда ўтказилган йиғилишда муҳокама қилинган масалалар ижросини таъминлаш мақсадида,

Б У Ю Р А М А Н:

1. Ўзбекистон Республикаси Президенти Ш.М.Мирзиёев раҳбарлигида 2020 йил 30 октябрь куни мамлакатимизда таълим-тарбия тизимини такомиллаштириш, илм-фан соҳаси ривожини жадаллаштириш масалаларига бағишланган кенгайтирилган тарзда ўтказилган йиғилишда муҳокама қилинган масалалар раҳбарлик ва ижро учун қабул қилинсин.

2. Тошкент давлат юридик университети томонидан Тошкент шаҳар, Юнусобод туманидаги 5, 17, 43, 51, 80, 122, 240 ва 247-сонли ҳамда Мирзо Улуғбек туманидаги 50 ва 64-сонли умумий ўрта таълим мактабларини оталиққа олиб, мактабларнинг педагогик салоҳиятини оширишга, ҳуқуқшуносликка оид фанлар бўйича ўқитишнинг янги методикаларини жорий этишга масъул этиб белгиланганлиги маълумот учун қабул қилинсин.

3. Тошкент шаҳар Юнусобод ва Мирзо Улуғбек туманидаги оталиққа олинган мактабларда ҳуқуқшуносликка оид фанлардан дарс машғулотларини олиб борадиган педагог ходимлар учун Тошкент давлат юридик университети ҳузуридаги Юридик кадрларни халқаро стандартлар бўйича профессионал ўқитиш марказида (кейинги ўринларда – Марказ) намунавий

малака ошириш курслари (кейинги ўринларда – малака ошириш курслари) ташкил этилсин.

4. Марказ директори А. Якубов:

малака ошириш курсларини 2020 йил 19 ноябрь кунидан бошлаб ташкил этилишини ва курслар давомийлиги Тошкент шаҳар Юнусобод ва Мирзо Улуғбек туман Халқ таълими бўлимлари билан келишган ҳолда белгиланишини;

Тошкент шаҳар Юнусобод ва Мирзо Улуғбек туман Халқ таълими бўлимлари таклифига кўра оталиққа олинган мактаблардан ташқари, ушбу туманлардаги бошқа мактабларда ҳуқуқшуносликка оид фанлардан дарс машғулотларини олиб борадиган педагог ходимларни ҳам университет ректори билан келишган ҳолда курсларга жалб қилиш чораларини кўришни;

факультет деканлари билан биргаликда малака ошириш курсларига дарс машғулотларини олиб бориш учун университетнинг юқори малакали профессор-ўқитувчилари жалб этилишини таъминласин.

5. Оммавий ҳуқуқ факультети декани Ш.Сайдуллаев Конституциявий ҳуқуқ кафедраси (Б.Мусаев), Давлат ва ҳуқуқ назарияси кафедраси (С.Муратаев) билан биргаликда хорижий мамлакатлар тажрибаси ҳамда умумий ўрта таълим мактаблари ўқув режасидаги фанлардан келиб чиқиб, малака ошириш курси ўқув режа ва дастурлари ишлаб чиқилишини таъминласин.

Бунда, заруратга кўра университет кафедралардан профессор-ўқитувчилар жалб этилиши мумкинлиги белгилаб қўйилсин.

6. Халқаро ҳамкорлик ва узлуксиз таълим бўйича проректор Д.Умаров Марказ директори А.Якубов билан биргаликда малака ошириш курслари ўқув режа ва дастурлари ишлаб чиқилишида, шунингдек курсларни мазмун жиҳатидан такомиллантириш жараёнида фаол иштирок этган ҳамда дарс машғулотларини олиб борган ходимларга устамалар белгилаш юзасидан тегишли комиссияга маълумот киритиши белгилаб қўйилсин.

7. Мазкур буйруқ ижросини назорат қилиш проректор Д.Умаров зиммасига юклансин.

Ректор



Р. Хакимов

Лойиҳа киритди:

ТДЮУ хузуридаги Профessional
ўқитиш маркази директори

А.Якубов

Келишилди:

Халқаро ҳамкорлик ва узлуксиз
таълим бўйича проректор

Д.Умаров

Молия-иқтисод ишлари бўйича
проректор в.б.

А.Иминов

Бош бухгалтер в.б.

М.Парпиев

Оммавий ҳуқуқ факультети декани

Ш.Сайдуллаев

Кадрлар бўлими бошлиғи

А.Матмуратов

Катта юрисконсулт

Э.Хосилов